



# SLUŽBENE NOVINE

## KANTONA SARAJEVO

Godina XXII – Broj 36

Četvrtak, 14. septembra 2017. godine  
SARAJEVO

ISSN 1512-7052

### KANTON SARAJEVO

#### Skupština Kantona Sarajevo

Na osnovu člana 18. stav 1. tačka b. Ustava Kantona Sarajevo ("Službene novine Kantona Sarajevo", broj 1/96, 2/96 - Ispravka, 16/97, 14/00, 4/01 i 28/04 i 6/13), člana 39. Zakona o ustanovama ("Službeni list R BiH", br. 6/92, 8/93 i 13/94), i članova 6. i 7. Zakona o imovini Kantona Sarajevo ("Službene novine Kantona Sarajevo", broj 06/97, 09/98 - Presuda Ustavnog suda, 05/10 - Presuda Ustavnog suda i 27/16), Skupština Kantona Sarajevo, na sjednici održanoj 31.07. 2017. godine, donijela je

#### ODLUKU

#### O DAVANJU SAGLASNOSTI NA SPORAZUM O IZGRADNJI POSLOVNOG OBJEKTA - VRTIĆA "RAZIGRANI DANI" I NAČIN I USLOVI KORIŠTENJA ISTOG

##### I

Prihvata se tekst Sporazuma o izgradnji poslovnog objekta - vrtića "Razigrani dani" i način i uslovi korištenja istog, uz izmjenu člana 3. Sporazuma kojom se Općina Centar, Sarajevo obavezuje da će prvi sprat objekta koristiti za sadržaje društvenog karaktera primjerene funkciji predškolskog odgoja i obrazovanja.

##### II

Daje se saglasnost ministru za obrazovanje, nauku i mlade Kantona Sarajevo, Kazazović Elviru da, u ime Skupštine Kantona Sarajevo potpiše sporazum iz tačke I ove odluke.

##### III

Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-25019/17  
31. jula 2017. godine  
Sarajevo

Predsjedateljica  
Skupštine Kantona Sarajevo  
Prof. Ana Babić, s. r.

#### Vlada Kantona Sarajevo

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst, 37/14 - Ispravka), člana 8. stav 1. Zakona o lijekovima ("Službene novine Federacije BiH", broj 109/12), Vlada Kantona Sarajevo, na prijedlog Ministrice zdravstva Kantona Sarajevo na 95. sjednici održanoj 07.09.2017. godine, donosi

#### ODLUKU

#### O IZMJENI ODLUKE O POZITIVNOJ, BOLNIČKOJ I MAGISTRALNOJ LISTI LIJEKOVA KANTONA SARAJEVO

##### I

U Odluci o pozitivnoj, bolničkoj i magistralnoj Listi lijekova Kantona Sarajevo ("Službene novine Kantona Sarajevo", broj 27/16, 46/16), u A listi lijekova Kantona Sarajevo - Prilog 1., za lijekove pod rednim brojem 405, 416 i 419, u koloni "Nezaštićeno ime (generičko ime) INN" vrši se brisanje numeričke oznake smjernice "26" za lijekove koji se propisuju i izdaju za djecu, i sada lijekovi pod rednim brojem 405, 416 i 419 glase:

405 M01AB05 Diklofenak, Voltaren PLIVA Hrvatska d.o.o.  
10 čepića 12,5 mg

416 M01AE01 Ibuprofen, Ibuprofen HEMOFARM  
proizvodnja farmaceutskih proizvoda, d.o.o., 100 ml, oralna  
suspenzija 100 mg/5 ml

419 M01AE01 Ibuprofen, Dalsy BGP PRODUCTS S.a.r.l.,  
100 ml, oralna suspenzija 100 mg/5 ml.

##### II

Odluka stupa na snagu danom donošenja.

##### III

Odluka će se objaviti u "Službenim novinama Kantona Sarajevo".

Broj 02-05-26900-12/17  
07. septembra 2017. godine  
Sarajevo

Premijer  
Elmedin Konaković

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i broj 37/14 - Ispravka), člana 29. stav 2. Zakona o ustanovama ("Službeni list R BiH", br. 6/92, 8/93 i 13/94) i člana 138. Zakona o srednjem obrazovanju ("Službene novine Kantona Sarajevo", br. 23/10 i 1/16), Vlada Kantona Sarajevo na 95. sjednici, održanoj 07.09.2017. godine, donijela je